



Алихан Бөкейхан: «Ultqa qyzmet etý – bilimnen emes, minezden»

# AQTOG'AY AJARY



«Қарағанды журналистикасын дамытуға қосқан үлесі үшін»

1938 жылдың 15 тамызынан  
бастан шығады

Ақтоғай айдандық қоғамдық-саяси басылым

www.facebook.com/a.ajary.kz

№ 24 (7966) 28 маусым, Жұма 2024 жыл

aktogai\_red@mail.ru

«Біз ұлттық журналистиканың бай шежіресін, тағылымды дәстүрін мақтан тұтамыз»

ҚР Президенті Қасым-Жомарт Тоқаев

## Ақпарат – қуатты құрал

Күні кеше Мемлекет басшысы Қасым-Жомарт Тоқаев Елода төрінде 28 маусым бұқаралық ақпарат құралдары күні мерекесіне орай төртінші билік өкілдерін қабылдап, бірқатар сала үздіктерін марапаттады.

– Журналист – мәртебелі мамандық. Ол – ақиқат сөздің, өткір ой мен шынайы пікірдің және әділ істің жақтаушысы. Сондықтан біз медиа саласының мамандарына әрдайым зор құрметпен қараймыз. Түптеп келгенде, мемлекет те, журналист те ұлт үшін қызмет етеді, ел тағдырын шешуге атсалысады. Өйткені ұлт баспасөзі мен ұлт мүддесі қай кезде де өзектес болған. Қазір де солай.

Біздің мақсат-мұратымыз – ортақ. Бұл – баршаға тең мүмкіндіктер беретін Әділетті Қазақстанды құру. Мен бүгін медиа саласы мамандарының осы жолдағы қажырлы еңбектері үшін шынайы ризашылығымды білдіремін. Әлихан Бөкейхан «Газет-журнал шығаруға зор шеберлік керек» деп талап қойған. Бұл – бүкіл ақпарат саласына ортақ тұжырым. Жалпы, журналистер мемлекеттік саясатты халыққа түсіндіру ісінде айрықша рөл атқарады, – деп атап өтті Президент.

Сонымен қатар тұрмыстық зорлық-зомбылыққа тосқауыл болатын арнайы заң күшіне енгенін тілге тиек етті. Президентіміздің айтуынша реформалар, өзгерістер әлі де жалғаса бермек. Журналистердің мүддесі мен құқықтарын қорғау тетіктері күшейтілген, еліміздегі масс-медияның әлеуетін арттыра түсетін «Масс-медиа туралы» Заңға қол қойғанын айты. Бұл ақпараттық дербестігімізді нығайтуға мол мүмкіндік беретіні анық.

–Өздеріңізге мәлім, қазір еліміз дамудың жаңа сатысына қадам бас-ты. Біз соңғы 5 жылдың ішінде ауқымды саяси реформаларды жүзеге асырдық. Қазақстанның саяси жүйесі түбегейлі өзгерді. Парламенттің ықпалы, Үкіметтің жауапкершілігі айтарлықтай артты. Билік тармақтары арасындағы тепе-теңдік орныға түсті. Саяси партиялардың қоғамдық рөлі күшейді. Азаматтарымыз өз ой-пікірлерін ашық айтып, қоғамда белсенді болуына мүмкіндік беретін нақты тетіктер пайда болды. Сайлау жүйесін жетілдірдік. Ауыл, аудан әкімдері тікелей сайлана бастады. Бір сөзбен, саяси және қоғамдық мәдениет үлкен өзгеріске ұшырады, – деп атап өтті Ел басшысы.

Мемлекет басшысы айтып өткендей биыл халық көптен күткен ірі автожол

жобалары іске қосылмақ. Бұл жобалар еліміздің көлік құрылымын нығайтып, іскерлік белсенділіктің артуына ықпал ететіні сөзсіз. Атап айтқанда, «Астана – Алматы», «Алматы – Өскемен», «Ақтөбе – Қандыағаш», «Атырау – Астрахань» жолдары пайдалануға беріледі. Сонымен қатар «Жезқазған – Қарағанды» магистралін жобалау жұмыстары басталады. Шетелдік инвесторлардың қатысуымен елімізде экономиканы әртараптандыруға және жаңа жұмыс орындарын ашуға бағытталған Алматы облысында 2026 жылы әлемге әйгілі PepsiCo компаниясының Орталық Азиядағы ең ірі зауыты ашылмақ.

–Ақпарат – қуатты құрал. Әсіресе, қазіргідей құбылмалы заманда халыққа жан-жақты сарапталған, тексерілген, шынайы ақпаратты ұсыну аса маңызды. Азаматтарды адастыратын ақпаратқа жол беруге болмайды.

Сөз бостандығы – елдегі әр бастаманы сынау деген сөз емес. Нағыз ұлт мүддесін көздеген ақпарат құралы елдің береке-бірлігін нығайту үшін қызмет етуі керек. Баспасөз – қоғамның бет-бейнесі. Мен күнделікті газет-журналды үнемі қадағалап отырамын. «Egemen Qazaqstan», «Казахстанская правда», «Aiqun», «Литер», «Turkistan», «Ana tili», «Қазақ әдебиеті» басылымдарын, аймақтарда шығатын газеттерді де үзбей оқимын. Көп мағлұмат аламын. Пайдалы ақпарат өте көп. Жалпы, қазіргі таңда газеттерде жарияланып жатқан материалдардың сапасы жоғары деп айтуға болады. Оқуға тартымды деп айтқым келеді. Қоғамның тынысын, зиялы қауымның ой-пікірін біліп отыру өте маңызды деп санаймын.

Шын мәнінде, газет шығару және газет оқу үрдісі ешқашан үзілмеуге тиіс. Осы сабақтастықты сақтап қалу керек. Бұл – өркениетті елдердің барлығында қалыптасқан дәстүр. Біз ұлттық журналистиканың бай шежіресін, тағылымды дәстүрін мақтан тұтамыз, – деп сөз сабақтаған Мемлекет басшысы бүгінде отандық журналистика мықты қоғамдық институтқа, нағыз төртінші билікке айналғанын, бұл саланың осынау маңызды іске қосар үлесі қомақты екенін жеткізді. Қорыта айтқанда халықтың үні, ұлттың жаршысы, бұқараның рухани тірегі журналистердің алдында тұрған міндеттердің ауқымы – өте кең.

С.Нұржанова,  
ардагер журналист,  
ҚР Ақпарат саласының үздігі.

## 28 маусым – Журналистер күні

*Құрметті әріптестер, баспасөз саласының ардагерлері!*

*Сіздерді 28 маусым – кәсіби тәл мерекелеріңізбен шын жүректен құттықтаймын!*

*Бүгінгі күні еліміздің бұқаралық ақпарат құралдары азаматтық қоғамның құрамдас бөлігі ретінде билік пен бұқараның арасындағы дәнекер ғана емес, еліміздің толағай табыстары мен зор жетістіктерінің жаршысы болып келеді. Техниканың, ғылымның, дамыған заманында интернетті байланысы, баспасөз басылымдары халықты қажетті ақпаратпен толық қамтамасыз етіп отыр. «Қай елдің баспасөзі мықты болса, сол елдің өзі де мықты», – деп Алаш қайраткері Міржақып Дулатовтың осынау ойлы сөзі журналист еңбегінің қаншалықты жауапты екенін аңғартып тұр. Қалам ұстаған қауымның үздіксіз тынымсыз еңбегі қашанда лайықты бағасын алуы тиіс. Бүгінгі таңда бұқаралық ақпарат құралдарының ролі тұрақты түрде өсіп келеді. Күні кеше Президентіміз Жарлыққа қол қойған МАСС-Медиа Заңында қаламгер қауымына қаншама жүк артылғанын көріп, баспасөзге деген ерекше көзқарасты байқауға болады. Бүгінгі таңда тіпті әлеуметтік желілер пайда болса да, дәстүрлі бұқаралық ақпарат құралдарының қоғамдағы орны ешқашан бәсеңдейді. Баспа және электрондық басылымдар миллиондаған адамдардың көңіл тұңкірінен берік орын алды. Ақпарат майданында әркез алғы шепте жүретін әріптестерімізді бүгінгі кәсіби мерекелен шын жүректен құттықтаймын! Қаламдарыңыз қарымды болсын, қасиеті кетпесін! Еңбекте табысты болып, әркез халық мүддесін қолдаудан таймаңыздар. Сіздерге зор денсаулық, отбасылық бақыт тілеймін.*

*Құрметпен «АҚТОҒАЙ АЖАРУ» газетінің құрылтайшысы,  
ҚР Журналистер Одағының мүшесі, Тұлнар Мейтайқызы.*

## \* Аудан әкімдігінде

## Қоғамдық кеңестің кезекті отырысы

Қоғамдық кеңес – республикалық және жергілікті деңгейде талқылау мен шешім қабылдау кезінде қоғамдық пікірді ескеріп, ел ішіндегі проблемаларды қозғап, азаматтық қоғамның мүдделерін білдіретін ұлт жоспарына қажетті маңызды институт. Қоғамдық кеңес – мемлекет қабылдайтын шешімдердің жариялы, ашық болуын қамтамасыз ететін консультативтік-кеңесші, әрі бақылаушы орган. Кеңес мүшелері қоғамдық бастамамен қызмет атқарады, республикалық және жергілікті деңгейде маңызды мәселелерді қозғап, қоғамда өз орны бар шешімдер қабылдап отырады.

26 маусым күні күні аудан әкімдігінің үлкен мәжіліс залында аудандық қоғамдық кеңестің кезекті отырысы болып өтті. Жиынды қоғамдық кеңестің төрағасы Ә.Қапасов ашып, жүргізіп отырды.

Қоғамдық кеңес отырысының күн тәртібіне ұсынылған кәсіпкерлік салаларының даму барысы және азық-түлік қауіпсіздігі мен баға тұрақтылығын қамтамасыз ету бойынша атқарылып жатқан жұмыстары туралы ауданының кәсіпкерлік және өнеркәсіп бөлімінің басшысы Д.Қаура баяндама жасады.

Ауданда өрт қауіпсіздігінің алдын-алу және болдырмау бағытындағы

атқарылған іс-шаралар мен дала өртерінің алдын алу бойынша аудан шаруа қожалықтарына профилактикалық түсіндірме жұмыстарын жүргізу туралы ауданның төтенше жағдайлар бөлімінің басшысы Е.Оңғарқұлов ақпар берді.

Сонымен қатар ауданның жұмыспен қамту және әлеуметтік бағдарламалар бөлімінің аудан көлемінде халықтың әлеуметтік осал топтарын қолдау және оңалту шаралары туралы ауданның жұмыспен қамту және әлеуметтік бағдарламалар бөлімінің басшысының міндетін атқарушы Д.Аубакировтың ақпары тыңдалды.

Ақтоғай ауылы әкімінің аппаратының көрсетілетін мемлекеттік қызметтері, мемлекеттік сатып алу және сыбайлас жемқорлыққа қарсы бағытындағы жұмыстары, алда тұрған міндеттері туралы Ақтоғай ауылының әкімі Д.Ұлтыкеев баяндама жасады.

Жиынның күн тәртібінде 2023 жылда қоғамдық кеңесте қаралған мәселелер бойынша аудан көлемінде құрылыс, жол, кәріз жүйесі жұмыстарының орындалысы туралы мәселе қаралды.

Жиынды аудан әкімінің міндетін атқарушы А.Аманжолов қорытындылады.

Думан ҚАБЫЛ.